

आकाशवाणी

खबरां श्रुति खजूरिया कोला

- लोकसभा च त्रिभुवन सहकारी विश्वविद्यालय विधेयक 2025 पारित होआ।
- बैंकिंग कानून संशोधन विधेयक 2024 विचार ते पारित कराने आस्तै अज्ज राज्यसभा च पेश कीता गेआ।
- सर्वोच्चे न्याकयालय नै दुष्कर्म दे जतन पर इलाहाबाद उच्चो न्यानयालय दे विवादित आदेश पर रोक लाई ते उसी असंवेदनशील दस्सेआ।
- विदेश मंत्रालय नै आक्खेआ जे अंतर्राष्ट्रीय धार्मिक आजादी पर अमरीकी आयोग गी चिंताजनक इकाई दे तौर पर च नामित कीता जाना चाईदा।
- नीति आयोग दे मुख कारजकारी अधिकारी बीवीआर सुब्रह्मण्यम होरें अज्ज डिजिटल परिवर्तन दे माध्यम राएं उत्कृष्टता ते विकास गी सशक्त बनाने आस्तै डीएक्स-एज दी शुरूआत कीती।
- नमी दिल्ली च खेलो इंडिया पैरा गेम्स दे 7में दिन भार तुलकने आहले ते टेबल टेनिस खडारिएं शानदार प्रदर्शन कीता।

<><><><><><>

Tribhuwan-Amit Shah

लोकसभा च त्रिभुवन सहकारी विश्वविद्यालय विधेयक 2025 पारित होई गेआ। अज्ज औहदे पर लोकसभा च चर्चा होई। इस विधेयक च त्रिभुवन सहकारी विश्वाविद्यालय दे ना कन्नै जाने-जाने आहले ग्रामीण प्रबंधन आनंद संस्थारन गी कायम करने दा प्रावधान कीता गेया ऐ। इस विधेयक च राष्ट्रीय महत्वा दा संस्थागन घोषित करने दा भी प्रावधान ऐ। एह संस्थावन तकनीकी ते प्रबंधन शिक्षा ते सहकारी क्षेत्र च सिखलाई प्रदान करौगा। एह संस्थान सहकारी अनुसंधान ते विकास गी

बढावा देगा। एह विधेयक सहकार सोयां समृद्धि दे दृष्टिकोण गी साकार करने च वैश्विक उत्कृष्टता दे स्तर गी हासिल करौगा। एह संस्थाशनें दे नेटवर्क राएं मुल्ये च सहकारी आंदोलन गी सशक्त भी बनागा। इस संस्थारन गी विश्वविद्यालय दे स्कूलें चा इक घोषित कीता जागा। चर्चा गी अगगे बढान्दे होई कांग्रेस दी गेनी-बेन नागाजी ठाकोर होरें आक्खेआ जे गुजरात च पैहला सहकारिता विश्व विद्यालय स्थापित कीता जाना मानै आहली गल्ल ऐ। चर्चा च हिस्सा लैन्दे होई भारतीय जनता पार्टी दे मितेश पटेल होरें आक्खेआ जे सहकारिता लौहके करसानें दे सशक्तिकरण दी दिशा च इक महत्वापूर्ण गै ऐ। उने आक्खेआ जे आनंद मिल्लकडू यूनियन लिमिटेड-अमूल दी सफलता दी गाथा त्रिभुवन दास पटेल हुन्दे दूरदर्शी नेतृत्वी दी इक मिसाल ऐ। श्री पटेल होरें आक्खेआ जे त्रिभुवन सहकारी विश्वविद्यालय देश च सहकारी आंदोलन गी सशक्त बनागा। समाजवादी पार्टी दे वीरन्द्रा सिंह होरें विश्वविद्यालय दे उप कुलपति ते सरबन्धी निकाय दी नियुक्ति दे मानदंड पर सोआल पुट्टे। केंद्रीय सहकारिता मंत्री अमित शाह होरें विधेयक पर चर्चा दा परता दिन्दे होई आक्खेआ जे एह विधेयक ग्रामीण अर्थव्यवस्था गी सशक्त बनाग ते स्वरोजगार सृजन ते लौहके उद्यमियें दे विकास च सहायक होग। उने आक्खेआ जे इस विधेयक राएं सहकारी क्षेत्र च नवाचार ते अनुसंधान ते विकास गी प्रोत्साहन थहोग। श्री शाह होरें आक्खेआ जे इस विधेयक कन्नै देशे च आधुनिक शिक्षा कन्नै सुसज्जित सहकारी नेतृत्व प्राप्तु होग। उने आक्खेआ जे त्रिभुवन सहकारी विश्वविद्यालय दा ना गुजरात च अमूल कंपनी दी नीहू रखने आहले त्रिभुवन भाई पटेल हुन्दे नां पर रखेआ गया ऐ।

<><><><><><>

RS Banking

बैंकिंग कानून संशोधन विधेयक 2024 विचार ते पारित कराने आस्तै अज्ज राज्यसभा च पेश कीता गेआ। विधेयक च भारतीय रिजर्व बैंक अधिनियम 1934, बैंकिंग विनियमन अधिनियम 1949, भारतीय स्टेट बैंक अधिनियम 1955, बैंकिंग कंपनियां अधिनियम 1970 ते बैंकिंग कंपनियां अधिनियम 1980 च संशोधन करने दे प्रावधान ऐ। इस विधेयक दा मसकद बैंक खाते च नामांकित व्यक्तियें आस्तै मौजूदा विकल्पें दी गिनतरी इक सोयां बढिऐ चार करना ऐ। विधेयक च निदेशक पदें आस्तै लोडचदे ब्याज गी परतिऐ परिभाषित करने दा भी प्रस्ताव ऐ। इसी मौजूदा 5 लक्ख रुपे दी

सीमा दे बजाय दो करोड़ रुपे तक बढाया जाई सकदा ऐ। विधेयक बैंके गी अपने लेखा परीक्षके दे पारिश्रमिक गी तय करने दा अधिकार दिन्दा ऐ। विधेयक पर चर्चा शुरु करदे होई कांग्रेस दे शक्तिसिंह गोहिल होरे आखेआ जे कांग्रेस सरकार दे कार्यकाल च गै बैंके दा राष्ट्रीयकरण होआ हा। उने आखेआ जे विधेयक च सरकार नै सहकारी बैंक च निदेशक दा कार्यकाल 8 बरे सोयां बदिऐ 10 बरे करने आस्तै संशोधन दा प्रस्ताव रखेआ ऐ। चर्चा दा परता दिन्दे होई वित्त मंत्री होरे आखेआ जे सरकार नै बैंक सैक्टर गी मजबूत करने आस्तै नेका सुधार कीते ना।

<><><><><><>

MoS-HM Watan ko Jaano

केंद्री गृह राज्यमंत्री नित्यानंद राय होरे अज्ज आखेआ ऐ जे वतन को जानो प्रोग्राम समाज च सद्भाव बधाने, राष्ट्रीय एकता गी मजबूती देने, नौजवाने च एकता दी भावना गी विकसित करने ते देशभक्ति बक्खी जुडाव पैदा करने च मता कामयाब रेहा ऐ जेदे नै इक मते समावेशी ते सौहार्दपूर्ण समाज दे निर्माण च मदद थहोआ करदी ऐ। अज्ज राज्यसभा च इक विजन स्टार आहले सोआल दा परता दिंदे होई राज्यमंत्री होरे आखेआ जे जम्मू-कश्मीर सरकार आसेआ शुरू कीता गेदा एह प्रोग्राम केंद्री गृह मंत्रालय दे माली सहयोग कन्नै चलाया जंदा ऐ। इस प्रोग्राम तैहत जम्मू-कश्मीर दे नौजवाने गी मुलखै दे बक्ख-बक्ख हिस्से च होआ'रदे विकास, सांस्कृतिक बनसबन्नता ते मुलखै दे सनैहरी ते गौरवपूर्ण इतिहास बारै दस्सेआ जंदा ऐ। मुलखै च होए दे विकास बारै जानियै भाएं उनेंगी सिद्धे तौरा पर कम्म रोजगार ते नेही थहोंदा, पर दिक्खियै प्रोत्साहन ते अगगै बधने दी भावना विकसित होंदी ऐ ते उब्बी अपने आपै गी हुनरमंद बनाइयै शिक्षा, ज्ञान ते समर्था हासल करियै अगडे बधने लेई प्रेरित होंदे ना।

<><><><><><>

Supreme Court-Alahabad

मतदाता पहचान गी बायोमेट्रिक डेटाबेस कन्नै जोड़ेआ गया ऐ, जिसलैकि अमरीका, नागरिकता आस्तै स्व-सत्यापन पर निर्भर ऐ। इसदे च सार्वजनिक रूप कन्नै मतपत्रें गी गिनतरी करने आस्तै जर्मनी ते कनाडा दी भी प्रशंसा कीती गई ऐ। इसदा मकसद अमरीका च कथित चुनाव अखंडता दे मुद्दे दा हल करना ऐ। भारत निर्वाचन आयोग मतदाता पहचान पत्र गी आधार कन्नै जोड़ने पर विचार करा र दा ऐ, जिसदे च बायोमेट्रिक डेटाबेस शामिल ऐ।

<><><><><><>

MRI-Machine

भारत नै अपनी पैहली स्वदेशी एम.आर.आई मशीन विकसित करी लैती ऐ जिसी ट्रायल लेई अक्तूबर म्हीने तगर एम्स नमीं दिल्ली च लाया जाग। इस पैहलकदमी दा मकसद इलाज मुआलजे दी कीमतें गी घट्ट करने दे कन्नोकन्नी बाहरले मुलखें थमां मेडिकल सरबन्धी चीजें-बस्तें पर निर्भरता घट्ट करना ऐ कीजे इस्सलै 80 कोला 85 फीसद उपकरण बाहरले मुलखें थमां औंदे ना। इस्सै सिलसिले च भारत आसेआ तैयार कीती गेदी एमआरआई मशीन भारत गी मेडिकल टेकनालजी आहले खेत्तर च आत्मनिर्भर बनाने च मदाद देगं पत्रकारें कन्नै गल्ल करदे होई एम्स नमीं दिल्ली दे डायरेक्टर एम. श्रीनिवास होरें आखेआ जे इस पैहलकदमी राहें बक्ख-बक्ख कंपनियें ते इदारें गी लोडचदे जरूरी बदलाव करने च मदाद करोग ते एहू यकीनी बनाग जे दुनिया भरै थमां मुलखै च सब्भनें शा बेहतरीन उपकरण होन।

<><><><><><>

PM-TB

प्रधानमंत्री नरेन्द्र मोदी होरें भारत दे तपेदिक उन्मूलन दे महत्वाकांक्षी मिशन च योगदान देने आस्तै सब्भनें दा आभार जाहिर कीता ऐ। श्री मोदी होरें केंद्रीय सेहत मंत्री जगत प्रकाश नड्डा हुन्दे सोशल मीडिया पोस्ट पर प्रतिक्रिया दिन्दे होई इस गल्ला पर जोर पाया जे जमीनी स्तर पर जतनें दी

बददी रफतार ते तपेदिक मुक्त भारत दा रस्ता पदरा होआ रदा ऐ। प्रधानमंत्री होरें तपेदिक खिलाफ लड़ाई च शामिल सारे लोकें दी सराहना करे होई आक्खेआ जे उनदा जतन तपेदिक खिलाफ लड़ाई गी मजबूत करा'रदा ऐ ते तपेदिक मुक्त भारत च योगदान देआ र दा ऐ ते इक सेहत राष्ट्र यकीनी करा र दा ऐ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एहू 120मीं किशत होग। कार्यक्रम च शामिल करने लेई लोक अपने बचार ते सुझाहू 28 तरीक तगर टोल फ्री नंबर 1800-11-7800 पर भेजी सकदे न। एहूदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहूदे कन्नो कन्नो एहूदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफतर ते सूचना ते प्रसारण मंत्रालय दे यूट्यूब चैनलें पर बी कीता जाग।

<><><><><><>

Niti-DX-Age

नीति आयोग दे मुख कारजकारी अधिकारी बीवीआर सुब्रह्मण्यम होरें अज्ज डिजिटल परिवर्तन दे माध्यम राएं उत्कृष्टता ते विकास गी सशक्त बनाने आस्तै डीएक्स-एज दी शुरूआत कीती। डीएक्स-एज भलेआ लौहके, लौहके ते दरमेयानें दर्जे दे उद्योगें, प्रौद्योगिकी प्रदाताएं ते शैक्षणिक संस्थानें गी जोड़ने आहली इक व्यवस्था बनाने दी इक राष्ट्रीय पहल ऐ। इस मौके पर श्री सुब्रह्मण्यम होरें आक्खेआ जे डीएक्स-एज तकनीकी माहिरता दा इक बडडा पूल विकसित करिए डिजिटल बलाव गी अगगै

बदाग ते एहू यकीनी करौग जे एमएसएमई गी प्रौद्योगिकी तकर संरचित, लागत प्रभावी पुज्ज थहोए ते दक्षता, राजस्व ते वैश्विक मुकाबलेवाजी च बाद्दा होऐ। उने आक्खेआ जे एहू मॉडल देश च छह करोड़ एमएसएमई दी समस्याएं दा प्रौद्योगिकी ते एआई राएं हल करने च सहायता करौग। एमएसएमई मंत्रालय च सचिव सुभाष चंद्र लाल दास होरें आक्खेआ जे डीएक्स-एज पैहल इक महत्वपूर्ण ते अभिनव प्रगति दा प्रतिनिधित्व करदी ऐ। इसदा मकसद सार्वजनिक, निजी ते शैक्षणिक क्षेत्रें बश्कार सहयोग गी बद्दावा देना ऐ। श्री दास होरें इस गल्ला पर जोर दिता जे अज्ज दे परिदृश्य च अग्रणी प्रौद्योगिकियों ते डिजिटलीकरण गी अपनाना जरूरी ऐ। उने आक्खेआ जे एमएसएमई गी देशै दे विकास च सबने थवा अगगे होना चाईदा। श्री दास होरें आक्खेआ जे सरकार नै एमएसएमई गी सहायता देने आस्तै 2025 दे बजट च महत्वपूर्ण निवेश निर्धारित कीता ऐ।

<><><><><><>

Khelo India

नमी दिल्ली च खेलो इंडिया पैरा गेम्स दे 7में दिन भार तुलकने आहले ते टेबल टेनिस खडारिएं शानदार प्रदर्शन कीता। पैरा पावरलिफ्टिंग मुकाबले च दिनेश बागडे होरें लीट 107 किलोग्राम वर्ग च सुन्ने दा तगमा जितेआ, जिसलै कि दिव्येश लदानी नै चांदी दा ते जोगिंदर सिंह नै कैं दा तगमा जितेआ। एलीट 86 किलोग्राम वर्ग च अरुण-मोली अरुण-गिरी नै सुन्ने दा तगमा अपने नां कीता। शियाल नै चांदी दा ते समीमबेन वोहरा नै कैं दा तगमा हासिल कीता। पैरा टेबल टेनिस च काजल मखवाना सेमीफाइनल च पुज्जी गई ऐ। पैरा टेबल टेनिस खिलाडी चावड़ा शमीम होरें मुकाबलेवाजी दी व्यवस्थाएं दी सराहना कीती ते दस्सेआ जे हर खडारी नै जीत हासिल करने आस्तै अपना बेहतरीन प्रदर्शन कीता ऐ।

<><><><><><>

Mandaviya World Cup

युवा मामले ते खेड सरबंधी मंत्री डॉ. मनसुख मांडविया होरें बिहार च आयोजित सेपक टाकरा विश्व कप 2025 च 7 तगमें जीतने पर टीम इंडिया गी बधाई दिती ऐ। सोशल मीडिया पोस्ट पर डॉ.

मांडविया होरें आक्खेआ जे इस आयोजन च पैहली बारी सुन्ने दा तगमा जितना मर्दे दी टीम आस्ते मानै आहली गल्ल ऐ। मंत्री होरें आक्खेआ जे टीम दी सखत मेहनत ते समर्पण मुल्ल भरै दे महत्वाकांक्षी एथलीटें आस्तै प्रेरणा दा कम्म करौग।

<><><><><><>

Ramayan-Conclave

अंतर्राष्ट्रीय रामायण ते वैदिक अनुसंधान संस्थान नै स्वामी विवेकानंद सांस्कृतिक केन्द्र च रामायण कॉन्क्लेव दा आयोजन कीता। बीकानेर विश्वविद्यालय दे कुलपति प्रोफेसर मनोज दीक्षित ते गुजरात विश्वविद्यालय दे प्रोफेसर नीरजा गुप्ता सनें मन्ने परमन्ने दे माहिरें वीडियो कांफ्रेंस राएं इस कॉन्क्लेव गी संबोधित कीता। भारत ते श्रीलंका दे धार्मिक नेताएं बक्ख बक्ख देशें दी मिसाल दिन्दे होई भगवान राम हुन्दे व्यक्तित्व दा पूरी दुनिया पर उनदे असर बारे च दससेआ। रामायण दे मूजब श्रीलंका दा खास महत्व ऐ। इत्थे सीता एलिया, मनावरी मंदिर ते मुन्नेश्वरम मंदिर जनेहू महत्वपूर्ण थाहर न, जित्थे भगवान राम होरें शिवलिंग स्थापित कीते हे।

<><><><><><>

Massive-Search

कठुआ जिले दे जंगली इलाके च घुसपैठ करने आहले आतंकियें दे इक समूह गी फगडने लेई अज्ज लगातार चौथे ध्याडे बी व्यापक तलाशी अभियान जारी रेआ। साम्बा-कठुआ च जम्मू-पठानकोट राष्ट्रीय जरनैली शिडक उप्पर सुरक्षा होर निगगर करी दिती गेदी ऐ। सुरक्षा बल सेना, एनएसजी, बीएसएफ, पुलस नै सी.आर.पी.एफ हैलीकाप्टरें, ड्रोनें ते होर दुए आधुनिक उपकरणें राएं इलाके च तपाशी अभियान चला'रदे न। अजें तगर गोला-बरूद बरामद कीता गेआ ऐ ते त्रऊं संदिग्धयें थमां पुच्छ-गिच्छ जारी ऐ। मुकामी बसनीक बी पूरे तलाशी अभियान च सहयोग देआ'रदे न।

